

Yangi shaharchanining bosh rejasi ko'rib chiqildi



Prezident Shavkat Mirziyoyev 9-mart kuni "Yangi Namangan" shaharchasining ikkinchi bosqichi loyihasi bilan tanishdi.

Namangan shahri ham iqtisodiyot, ham nufus jihatidan o'sib bormoqda. So'nggi besh yilda shahar aholisi 152 ming nafarga ko'paygan. Shu davrda 300 dan ziyod ko'p qavatli uylar qurilib, qariyb 65 ming fuqaro yangi xonadonga ega bo'lgan.

Jumladan, "Yangi Namangan" shaharchasi loyihasining birinchi bosqichida 330 hektar maydonda 8 ming 500 xonadonli 184 ta uy-joy barpo etildi. Shuningdek, 145 hektar maydonda kichik sanoat zonalari tashkil etilib, 10 ming yangi ish o'rnlari yaratildi.

Bugungi kunda Namangan shahrida 30 ming fuqaroning uy-joyga ehtiyoji bor. Kelgusi yillarda shahar aholisi yiliga 25 ming nafarga ko'payishi kutilmoqda.

Shu bois, Shavkat Mirziyoyev saylovoldi dasturida Namangan shahrini "bir millionlik shahar"ga aylantirish va "Yangi Namangan" shaharchasini kengaytirishni aytgan edi.

Taqdimotda ushbu shaharchanining ikkinchi bosqichi bosh rejasi ko'rib chiqildi.

Unga ko'ra, 272 hektar maydonda 20 ming xonadonga ega 171 ta ko'p qavatli uy qurilishi rejalashtirilgan.

Davlatimiz rahbari uylarning sifati, infratuzilmasi qanday bo'lishi bilan qiziqdi. Mutasaddilarga hozir ko'p qavatli uylarda yashayotgan odamlar va talabgorlar bilan uchrashib, ularning takliflarini olish, shu asosida loyihami tanqidiy qayta ko'rib chiqib, batafsil rejalashtirish bo'yicha topshiriq berdi.

Hududda uylarni va muhandislik-kommunikatsiya tarmoqlarini to'g'ri joylashtirish, binolarda milliy hunarmandchiligmizga xos bezaklardan foydalanish muhimligi ta'kidlandi.

Shaharcha hududida ish o'rnlari tashkil etish, xizmat ko'rsatishni rivojlantirish bo'yicha ko'rsatmalar

berildi.

Loyihaga ko'ra, bu yerda "Yangi O'zbekiston" bog'ini barpo etish ham rejalashtirilgan.

Prezidentimiz bog' uchun daraxt ko'chatlarini hozirdan yetishtirish, ko'p qavatli uylar oldida va yo'l bo'yalarida ham daraxtlar ekish zarurligini ta'kidladi.

Namangan viloyatida kichik sanoat zonalari infratuzilmasini yaxshilash, ichki yo'llar va ichimlik suvi tarmoqlarini ta'mirlash masalalariga ham e'tibor qaratildi. Mutasaddilarga hokim yordamchisi, yoshlар yetakchisi va xotin-qizlar faoli ishini tashkil etish, mahallalarda sport maydonchalari, maishiy xizmat majmualari qurish bo'yicha topshiriqlar berildi.





Özbekiston Respublikasi Prezidentining
MATBUOT XIZMATI



Özbekiston Respublikasi Prezidentining
MATBUOT XIZMATI

Manba